

BESTELAKO XEDAPENAK

KULTURA ETA HIZKUNTZA POLITIKA SAILA

4226

EBAZPENA, 2024ko abuztuaren 30ekoa, HABEko zuzendariarena, zeinaren bidez arautzen baitira 2024-2025 ikasturtean C1C1 komunikagaitasun-maila helburu duten ikastaroak egiteko C1C1 helburu-maila eta abiapuntu-maila jakin bat duten 16-18 urteko ikasleei dirulaguntzak emateko prozedura eta baldintzak, eta dagokion deialdia egiten baita.

Azaroaren 25eko 29/1983 Legeak sortu zuen Helduen Alfabetatze eta Berreuskalduntzerako Erakundea (HABE), helduen euskalduntzera zuzendua, ahalik eta euskal hiztun gehien lortzeko helburua duena.

Uztailaren 22ko 179/2003 Dekretuaren bidez, helduentzako euskararen irakaskuntza burutzen duten euskaltegien eta beste zentro homologatuen jardura eta Euskal Autonomia Erkidegoko Administrazioaren aldetik jasotzen duten finantzazioa arautu zen.

Aipatu 179/2003 Dekretuaren 17. artikulua dio HABEk ezar ditzakeela, osagarri gisa, bere aurrekontu-bitartekoen mugen barruan, beste dirulaguntza mota batzuk, Dekretu horretan aipatzen diren modalitate eta euskarrietan edo homologatutako sistemen bitartez, euskalduntze-prozesuetan murgilduta dauden ikasleei zuzenduak, horien emaitza akademikoen baitan.

Bestalde, XIII. legegintzaldi honetako gobernu-programaren 43. konpromisoaren 1. ekinbidea hau da: «Edozein pertsonari euskara doan ikasteko aukera eskaintzeko prozesuari ekitea, pixkanaka, maila guztietan, A1etik C2ra».

Ildo horretatik, 2024ko Dirulaguntzen Urteko Plana onartzen duen eta 2021-2024 epealdiko Dirulaguntzen Plan Estrategikoa aldatzen duen Kultura eta Hizkuntza Politikako sailburuaren 2024ko maiatzaren 28ko Aginduak Hizkuntza Politika alorreko helburu estrategikotzat helduen euskalduntzea bultzatzea aurreikusten du, besteak beste euskararen C1 maila lortzeko 16-18 urteko ikasle gazteei zuzendutako dirulaguntzak aurreikusiz, unibertsitatera edota lan-merkatura bideratzen diren gazteak euskararen aldeko komunikagaitasun egokiarekin abia daitezen beren ibilbidean.

Aurreko xedapenak aintzat hartuta, HABEren arau organikoak onartu zituen otsailaren 13ko 34/1996 Dekretuak (eta berau aldatu duen urriaren 22ko 166/2019 Dekretuak) emandako eskumenez baliatuz, Dirulaguntzen Araubidea Erregulatzeko abenduaren 21eko 20/2023 Legeak araututakoari jarraikiz eta Dirulaguntzei buruzko azaroaren 17ko 38/2003 Lege Orokorrak (eta berau garatu duen uztailaren 21eko 887/2006 Errege Dekretuak) xedatutakoa oinarri izanik, honako hau

EBAZTEN DUT:

Lehenengoa.– 2024-2025 ikasturtean C1C1 komunikagaitasun-maila helburu duten ikastaroak egiteko C1C1 helburu-maila eta abiapuntu-maila jakin bat duten 16-18 urteko ikasleei dirulaguntzak emateko oinarriak onartu eta deialdia egitea.

Bigarrena.– Ebazpen honek ez dio administrazio-bideari amaiera ematen, eta, haren aurka, interesdunek gora jotze errekurtsoa jar diezaiokete Kultura eta Hizkuntza Politika sailburuari.

2024ko irailaren 12a, osteguna

Horretarako, hilabeteko epea izango dute ebazpena Euskal Herriko Agintaritzaren Aldizkarian argitaratu eta biharamunetik aurrera.

Donostia, 2024ko abuztuaren 30a.

HABEko zuzendaria,
JOKIN AZKUE ARRASTOA.

OINARRIAK

Lehenengo oinarria.– Xedea eta baliabide ekonomikoak.

1.– Ebazpen honen xedea da 2024-2025 ikasturtean C1C1 komunikagaitasun-maila helburu duten ikastaroetan matrikulatzeko C1C1 helburu-maila eta abiapuntu-maila jakin bat duten 16-18 urteko ikasleei dirulaguntzak emateko baldintzak eta esleipen prozedura onartzea.

2.– Deialdi honen xedea da C1C1 helburu-maila eta abiapuntu-maila jakin bat duten 16-18 urteko ikasleei dirulaguntza eskaintzea C1C1 komunikagaitasun-maila helburu duten ikastaroen matrikula-prezioan.

3.– Ebazpen honen xede diren laguntzetarako, 2024-2025 ikasturtean 2.200.000 euroko kopurua jarriko da, EAEko Aurrekontu Orokorretan horretarako dagoen partidaren kontura. Honela banatuko da kopuru hori:

a) 1.500.000 euro, 2024an hasiko diren ikastaroetan matrikulatzen direnentzat.

b) 700.000 euro, 2025ean hasiko diren ikastaroetan matrikulatzen direnentzat.

4.– Eskatutako dirulaguntzen zenbateko osoa kontuan hartuta, oinarri honen 3. atalean ezarritako zenbateko osoa handitu ahal izango da % 80era arte. Aldaketa hori dirulaguntzen esleipen ebazpena eman aurretik egin beharko da. Adierazitako aldaketa HABEko zuzendariaren ebazpen baten bidez onartu eta EHAAn argitaratu beharko da.

5.– Eskaerak segidako lehiaketaren araubidea erabiliz emango dira. Funtsak mugatuak izanik, agortuko balira une horretan bertan amaituko litzateke eskaerak egiteko epea, EHAako iragarki baten bidez jakinaraziko dena eskaera berriak bertan behera uzteko.

Bigarren oinarria.– Onuradun izateko baldintzak.

1.– Ebazpen honetan arautzen diren laguntzen onuradun izateko, baldintza hauek bete behar dira:

a) Ikaslearen adina: 16tik 18 urtera bitarteko adina izatearen baldintza egiaztatzeko, deialdi honen ondorioarako, jarraian adierazitako urte tartetan jaiotakoak izango dira onuradun:

– 2024. urtean: 2006., 2007. eta 2008. urteetan jaiotakoek egin ahal izango dute matrikula deialdi honen babesean.

– 2025. urtean: 2007., 2008. eta 2009. urteetan jaiotakoek egin ahal izango dute matrikula deialdi honen babesean.

b) 2023-2024 ikasturtean deialdi beraren bidez dirulaguntza hau jaso ez izana.

c) Matrikulatu izana, C1C1 helburu-mailarekin eta abiapuntu-maila jakin batekin: HABEko erregistroan inskribatutako euskaltegi batean edo euskararen autoikaskuntzarako zentro homologatu batean aurrez aurreko ikastaroren batean edota autoikaskuntza ala jardun biko ikastereduko ikastaroren batean matrikulatu izana, 2024-2025 ikasturtean.

Helburu-maila horren azpimailen egitura C1C1 izan beharko da, HABEko zuzendariaren 2015eko abuztuaren 3ko Ebazpenean, mailen azpimailak zedarritu eta ikas-irakas prozesuen eraketa, jarraipena eta kudeaketa didaktikoaren jarraibideak ezartzeko denean, aurreikusitakoaren arabera.

Hau da, ikastaroak eta ikasleak baldintza hauek bete beharko ditu:

1) Helburuari dagokionez, ikastaroak C1C1 maila izan behar du eta aldi berean ikasleak C1C1 helburua izan behar du.

2) Abiapuntuari dagokionez, ikasleak abiapuntu-maila hauek izango ditu:

a) C1B2 orohar, HABEko zuzendariaren 2022ko abuztuaren 31ko Ebazpenaren I. eranskinean aurreikusitako edozein ikastaro modulutan matrikulatuz gero.

b) B2B2, betiere, gutxienez 330 orduko ikastaro batean matrikulatuz gero.

c) Matrikularen ordainketa: aukeratutako ikastaro bakoitzeko matrikula egitean 0,20 euro orduko ordainduko ditu ikasleak euskaltegian edo euskararen autoikaskuntzarako zentro homologatuan, matrikularen ordainketa partzial gisa, eta euskaltegiak edo zentroak matrikularen prezioan dagokion dirulaguntza aplikatuko dio eskari-egileari, onuradun baldin bada.

d) Ikastaro moduluak: ikasleak matrikula egiteko hautatzen duen ikastaroak nahitaez bete beharko ditu HABEko zuzendariak 2022ko abuztuaren 31n onartu zituen Ebazpenetako I. eranskinetan ezarritako moduluen baldintzak, baita 2023ko abuztuaren 31ko Ebazpeneko I. eranskinetakoak eta 2023ko azaroaren 17koa ere, bai euskaltegi pribatu eta euskararen autoikaskuntzarako zentro homologatuek antolatutako ikastaroetan bai udalen edo udal erakundeen mendeko euskaltegiek antolatutako ikastaroetan. 2024-2025 ikasterterako HABEko zuzendariak onartzen dituen ebazpenetan aldaketarik badago ikastaroen moduluetan, aldaketa horiek aintzat izango dira, ikastaroak antolatzerakoan.

e) Ikaslearen errendimendu akademikoa: gutxienerako bertaratzea betetzeko konpromisoa hartu beharko du ikasleak, ikastereduan arabera proportzio ezberdinetan. Gutxienerako bertaratze hau bete ezean, bete gabeko zatiarekin proportzionala den matrikularen diru kopurua ordainduko dio ikasleak HABEri, «errekonozitutako dirulaguntzaren itzulketa» kontzeptupean. Halaber, ikasleak ikastaroa amaitu aurretik, baja emanaz gero gutxienerako bertaratzearen baldintza bete gabe, bete gabeko zatiarekin proportzionala den matrikularen diru kopurua ordainduko dio ikasleak HABEri «errekonozitutako dirulaguntzaren itzulketa» kontzeptupean.

Aurrez aurreko ikastereduan, euskaltegiak ikastaro bakoitzeko eman dituen ikastorduen % 75 hartuak izan beharko ditu.

Autoikaskuntza ikastereduan, ordu teorikoen % 75 bete beharko du eta gainera, mintza-saioretan izandako asistentzia-orduekin, ikastaroaren ordu teoriko guztien % 7,5era iritsi behar du, gutxienez.

Asistentzia hori bete den neurtzeko, izena eman dutenetik ikastaroa amaitu arteko ordu guztiak hartuko dira kontuan, baldin eta ikastaroan jarraitzea ezinezkoa egiten duen egoeraren bat (lan berri batekin bateraezintasuna, osasun arazoak...) ez badago. Horrelakoetan baja izan arteko orduak hartuko dira aintzat asistentzia kalkuluak egiteko.

Euskaltegiek eta euskararen autoikaskuntzarako zentro homologatuek bilduko dute baldintza horri buruzko informazioa sistema informatikoan (Q87).

Asistentziaz gain, HEOCaren C1eko komunikagaitasun-mailako trebetasunetako batean azpimaila bat aurrera egitea. Trebetasunen bat aurreratu izana euskaltegiko zuzendariaren adierazpen bidez jasoko da.

f) Administrazio- edo zigor-zehapenik jaso ez izana, sexuan oinarrituta diskriminatzeagatik edota emakumeen eta gizonen berdintasunaren arloko araudia ez betetzeagatik, betiere, martxoaren

16ko 1/2023 Legegintza-dekretuak xedatutakoarekin bat etorritik (emakumeen eta gizonen berdintasunerako eta emakumeen aurkako indarkeria matxistatik gabe bizitzeko Legearen testu batekin).

g) Zigor eta administrazioaren arloan dirulaguntza publikoak jasotzeko debekurik ez izatea, ezta laguntzak jasotzeko ezgaitzen duen legezko debekurik ere, sexua dela-eta eragindako bereizkeriengatikoak barne direlarik, betiere, martxoaren 16ko 1/2023 Legegintza-dekretuak xedatutakoarekin bat etorritik (emakumeen eta gizonen berdintasunerako eta emakumeen aurkako indarkeria matxistatik gabe bizitzeko Legearen testu batekin).

h) Dirulaguntza Lege Orokorraren 13.2 artikulua aurreikusitako egoeretan ez egotea. Bereziki, zergazteingizartesezurantzarako betebeharrak egunean eta dirulaguntza itzultzeko betebeharrak ordainduta izatea. Horretarako, ikasleak eskari-formularioaren baitan erantzukizunpeko adierazpena egingo du, adieraziz egunean dituela zerga zein gizarte segurantzaren betebeharrak eta konpromisoa hartzen duela betebeharrak horiek betetzen jarraitzeko diruz lagundutako ikastaroaren iraupena bukatu arte. Betiere, Eusko Jaurlaritzako Ekonomia eta Ogasuneko sailburuaren 2023ko otsailaren 13ko Aginduaren 8. artikulua gerizpean.

2.– Dirulaguntzen deialdi honetatik at geldituko dira Administrazio Publikoak finantzatuta eskolatu diren ikasleak.

Hirugarren oinarria.– Dirulaguntzaren eskariak (I. eranskina) aurkeztea.

1.– Eskari-egileak eskabide-formularioa (I. eranskina) bete beharko du erakunde laguntzaile gisa hautatzen duen euskaltegian edo autoikaskuntzarako zentro homologatuan. Formulario hori betetzen lagunduko diote euskaltegiak langileak. Eskabide-formulario horretan honakoak jasoko dira:

a) Eskari-egilearen datuak.

b) Matrikularen prezioa edo zenbateko osoa (ikasleak ordaindu behar duen diru kopurua kendu gabe).

c) Eskari-egilearen izenpea edo sinadura (eskuzkoa edo elektronikoa). Eskari-egilea adin txikikoa bada, aitak, amak edo tutoreak sinatu behar du.

Eskari-formularioa euskaltegietan eskuratu ahal du ikasleak zuzenean edo modu elektronikoan.

2.– Eskari-formularioarekin batera honako agiri hau aurkeztu behar du eskari-egileak: Ikasleak ordaindu beharko duen ikastaroaren matrikula-zatiari dagokion ordainagiria. Matrikularen ordainketa ikastetxearen bitartez ala euskaltegiak edo autoikaskuntza zentro homologatuak egindako banku-kargua dela medio gauzatzen den kasuetan, legezko frogak balioa duten bestelako dokumentu kontableak aurkeztu eta txertatu beharko dituzte erakunde horiek HABEren Q87 izeneko sistema informatikoan.

Ikaslea matrikulatzen den unean, euskaltegiak ziurtatu beharko du, HABE eskaintako datu basea erabiliz, ikasle horrek ez duela alde aurretik dirulaguntza-lerro honetan laguntza eskuratu.

3.– Dirulaguntza eskari-formularioa eta arestian aipatutako agiria matrikulatuko den euskaltegian edo euskararen autoikaskuntzarako zentro homologatuan aurkeztuko ditu eskari-egileak.

Laugarren oinarria.– Dirulaguntza eskaria aurkezteko epea.

Eskari-egileak egin nahi duen ikastaroan matrikula egiten duenean aurkeztu beharko du dirulaguntza-eskaria.

Bosgarren oinarria.– Aurkeztutako eskariaren hutsuneak zuzentzea.

Eskari-egileak aurkeztutako eskari-formularioan okerren bat badago edo agiriren bat ekarri ez badu hala jakinaraziko zaio eskari-egileari, hamar eguneko epean okerrak zuzen ditzan. Akatsak zuzendu ezean, eskabideari uko egin zaiola ulertuko da eta horrelaxe jasoko da bederatzigarren oinarrian aipatutako ebazpenean.

Seigarren oinarria.– Dirulaguntzen organo kudeatzailea.

Kudeaketa Zerbitzuko Ekonomia eta Administrazio Unitateari eta Ikuskatzailetzari dagokie deialdi honetan aurreikusitako dirulaguntzak kudeatzea.

Zazpigarren oinarria.– Erakunde laguntzaileak.

1.– HABEko euskaltegien erregistroan inskribatuta dauden euskaltegiak eta euskararen autoikaskuntza zentro homologatuak izenda daitezke erakunde laguntzaile, aldez aurretik, horretarako eskaria eginez gero (II. eranskina) eta hitzarmena (III. eranskina) izenpetuz gero, eta betiere, zerga zein gizarte segurantza betebeharrak egunean edukiz gero.

2.– Deialdi honen babesean erakunde laguntzaileek eskainiko dituzten ikastaroek ondoren zehaztutako matrikula-prezioak izan ditzakete:

a) Berariaz deialdi honetako xedearekin antolatutako ikastaroetan (ikastetxeetan, gela lekualdatuetan, euskaltegietan), taldeen matrikula prezioa (talde orduko) honakoa izango da:

1) Udal euskaltegi publikoen kasuan, Udal bakoitzak argitaratutako prezio publikoa (ikasle bakoitzeko).

2) Euskaltegi pribatuen aurrez aurreko ikastereduan matrikula prezioa 26,57 euro talde/orduko aplikatuz ateratzen dena izango da.

b) Euskaltegietan edo gela desplazatuetan ohiko ikastaroetako taldeetan barneratzen diren ikasleen kasuan, ikasle horiek ordainduko duten matrikula gehienez izango da talde horretan gainontzeko ikasleek ordaintzen duten berdina.

c) Euskaltegi pribatuen autoikaskuntza ikastereduan eta autoikaskuntza zentro homologatuen kasuan, ikasle horiek ordainduko duten matrikula gehienez izango da gainontzeko ikasleek ordaintzen duten berdina.

3.– Erakunde laguntzaileek lankidetza-hitzarmen bat sinatu beharko dute HABErekin non arautuko baitira erakunde laguntzaileek bere gain harturiko baldintza eta betekizunak. Horretarako, deialdi honetako II. eta III. eranskinak beteta aurkeztuko dituzte, Eusko Jaurlaritzako egoitza elektronikoko erregistro bidez, betiere, Eusko Jaurlaritzaren Gobernu Kontseiluari deialdi honen ebazpenaren berri eman ondoren.

4.– Ebazpen honetanezarritako baldintzak betetzen dituzten eta matrikulatu diren euskara-ikasleen dirulaguntza-eskaerak kudeatu eta izapidetuko dituzte erakunde laguntzaileek. Deialdi honen hirugarren oinarriko dokumentazioa jaso eta baldintzak betetzen direla egiaztatutakoan, dagokion dirulaguntza aplikatuko dute matrikulan. Dirulaguntza-eskabidearen formulario- inprimakia (I. eranskina) eskatzaileak sinatu beharko du eta adin txikikoa izanez gero, baita tutoreak ere, eskuz ala elektronikoki. Ondoren, jasotako eskabide-formularioak eta ordain-agiriak (edo honen ordez, legezko froga balioa duten beste dokumentu kontableak) HABEri igorriko dizkiote erakunde laguntzaileek Q87 aplikazio edo programa informatikoaren bidez, ondoren ezarritako epeetan:

– 2024ko azaroaren 15a (dirulaguntzaren esleipen-ebazpena abenduaren 20a baino lehen gauzatu ahal izateko).

– 2025eko apirilaren 11 (dirulaguntzaren esleipen-ebazpena maiatzaren 23a baino lehen gauzatu ahal izateko).

– 2025eko irailaren 10a (dirulaguntzaren esleipen-ebazpena urriaren 17 baino lehen gauzatu ahal izateko).

Halaber, aipatutako data horietarako (2024ko azaroaren 15a, eta 2025eko apirilaren 11 eta irailaren 10a) euskaltegi bakoitzak, arduradunak sinatuta, HABEri bidaliko dio epe horretan dirulaguntza eskatu duten ikasleen zerrenda. Zerrenda horretan, ikaslearen izen-abizenak, NANA, ikastaroaren truke ikasleak ordaindu beharko lukeena, ikasleak ordaindu duen kopurua, eta ikasleak HABEtik jaso beharko lukeen dirulaguntza.

Horrez gain, euskaltegiko zuzendariak zerrenda bat osatuko du. Bertan trebetasunen batean aurrerapena lortu duten ikasleak azalduko dira. Horretarako bi epe izango dira:

– 2025eko uztailaren 15erako 2024ko urritik 2025eko ekainera arte aritutako ikasleen zerrenda.

– 2025eko urriaren 15erako 2025eko uztailetik irailera arte aritutako ikasleen zerrenda.

Ez da onartuko epe horiek igaro ondoren bidaltzen den aurretiazko matrikularik. Halakoetan, euskaltegiaren edota euskararen autoikaskuntzarako zentro homologatuaren kargu izango da matrikula horri dagokion dirulaguntza, eta ezingo zaio koste hori ikasleari jasanarazi.

5.– HABEk ofizioz egiaztatuko du erakunde laguntzaileek zerga eta gizarte segurantzaren arloetako betebeharrak egunean dituela, elkar-eraginkortasun sistemak baliatuz. Honen aurka egonez gero, berariaz aurkeztu beharko ditu erakunde laguntzaileak ziurtagiri horiek.

6.– Dirulaguntzen kudeaketan laguntzeagatik sortutako gastuengatik, erakunde laguntzaileek konpentsazio bat jasoko dute, matrikula bakoitzeko 3 euroko zenbatekoan. Konpentsazio ekonomiko hau ikasleen dirulaguntzen ebazpenean jasoko da.

Zortzigarren oinarria.– Ikastaroen dirulaguntza.

Euskaltegiak edo euskararen autoikaskuntzarako zentro homologatuak ezarria duen matrikula-prezio osoari 2. oinarriaren 1.c) atalean ezarritako 0,20 euro orduko diru kopurua kenduko zaio (ikaslearen aurretiazko ekarpena), kontuan hartuta matrikula-prezioak 7.2 oinarrian aurreikusitako mugen barruan ezarri behar direla. Ikasleak matrikulatzeko unean ikastaro bera egiteagatik beste dirulaguntzaren bat jasotzen badu, HABEren dirulaguntza gutxitu egingo da kopuru berean.

Barnetegiek antolatutako ikastaroen prezioan ez dira sartuko pentsio-gastuak.

Bederatzigarren oinarria.– Ikasleen dirulaguntzak esleitzeko ebazpena.

1.– Deialdi honetan zehaztutako irizpideak aplikatu ondoren, HABEko zuzendariak euskara ikasleen dirulaguntza-eskariak ebatziko ditu eskabide-formularioan zehaztutako zenbatekoari jarraikiz (3. oinarriaren 1. puntua), zazpigarren oinarriaren 2. puntuan jasotako prezio mugen baitan dauden matrikula-prezioak oinarritzat hartuz, eta erakunde laguntzaileek onuradun izateko baldintzak betetzen dituztela egiaztatu ondoren.

Ebazpenak epe hauetan emango ditu HABEko zuzendariak:

– 2024. urtean abiatutako ikastaroetan matrikulatu diren ikasleen dirulaguntza-eskariak ebatziko dira 2024ko abenduaren 20a baino lehen. Horretarako, zazpigarren oinarriaren 4. atalean ezarritako epeetarako igo beharko dituzte erakunde laguntzaileek antolatutako ikastaroen eta

matrikulatutako ikasleen datuak HABEren Q87 sistema informatikoan eta azken oinarri horretan aipatutako ikasleen zerrenda.

– 2024. urtean hasitako ikastaroetan beranduago matrikulatu diren ikasle berrien dirulaguntza-eskariak eta 2025. urtean zehar abiatu diren ikastaroetan matrikulatu diren ikasleen dirulaguntza-eskariak ebatziko dira 2025. urtean, zazpigarren oinarriaren 4. atalean adierazitako egunetan (hau da, maiatzaren 23rako eta urriaren 17rako). Horretarako, laugarren oinarrian ezarritako epeetarako igo beharko dituzte erakunde laguntzaileek antolatutako ikastaroen eta matrikulatutako ikasleen datuak HABEren sistema informatikoan (Q87) eta azken oinarri horretan aipatutako ikasleen zerrenda helarazi beharko diote HABEri.

Ebazpen hauek interesdunei jakinaraziko zaizkie Eusko Jaurlaritzaren Egoitza Elektronikoaren iragarki-taulan (<http://www.euskadi.eus/iragarki-taula-elektronikoa>) eta Q87ko aplikazioan ikasle bakoitzaren esparruan argitara emanaz. Emandako dirulaguntzen publizitateari dagokionez, HABEren web orrialdean argitaratuko da (www.habe.euskadi.eus).

2.– Dirulaguntzaren esleipen ebazpenean eskari-egileari eman zaion dirulaguntza-kopurua zehaztu behar da eta arrazoituta adierazi behar da gainerako eskaerak ezetsi direla, hala gertatu izanez gero.

Era berean, emandako dirulaguntzen publizitateari dagokionez, aipatutako ebazpenak HABEren web-orrian argitaratuko dira Jaurlaritzaren Egoitza Elektronikoaren iragarki-taula elektronikoan argitara ematen diren egun berean.

Eskabideen gainean emandako ebazpenek ez dute bide administratiboa agortzen eta interesdunek horien kontra gora jotze errekurtsioa aurkez diezaizkete Kultura eta Hizkuntza Politika sailburuari, jakinarazpena egin eta hurrengo egunetik hasita hilabeteko epean, urriaren 1eko 39/2015 Legearen 123. eta 124. artikuluetan jasotakoaren arabera.

Ebazpenaren jakinarazpena aurreikusitako epe-mugan jasotzen ez bada, onuradunek ulertu ahal izango dute beren eskabidea ezetsia izan dela, Dirulaguntzen Araubidea Erregulatuzko abenduaren 21eko 20/2023 Legearen 22.5 artikuluan zehaztutakoaren ondorioz.

Hamargarren oinarria.– Dirulaguntzaren kudeaketa ekonomikoa.

1.– Ikasleak egindako matrikula bakoitzagatik ikastaroa eman duen erakunde laguntzaileak jasoko du zuzenean HABEtik dirulaguntzari dagokion zatia.

2.– 2024-2025 ikasturtearen hasieran jasotako ikasleen dirulaguntza eskarien zenbatekoaren kopurua, aurrekontu-partidan adierazitako diru zuzkidura baino gehiago balitz, 2025 urteari dagokion aurrekontuko gastu-partidaren kargu ordainduko lirateke.

Ordainketa ikasleek HABE edo Eusko Jaurlaritzarekin egiteke dituzten prozedura betearazleen ondorioz konpentsatzen bada, HABEk egoera horren berri emango dio eragindako euskaltegiari eta konpentsatutako kopurua ikasleari ordaindu beharreko guztizko kopurutik kenduko da eta ikasleak euskaltegiari ordaindu beharko dio.

Laguntza-eskaria aurkezteak euskaltegiari egoera horren berri ematea onartzea dakar.

Hiru alditan jasoko dituzte euskaltegi eta autoikaskuntza zentro homologatuek HABEtik ikasleen dirulaguntzari dagokion zatiaren zenbatekoak, 7.4 oinarrian zehaztutako epeetan, betiere 9. oinarrian adierazitako dirulaguntza esleitzeko ebazpenak eman eta jarraian.

Horietako ordainketa bakoitza ordainketa bakarrean kitatuko da banku-transferentzia bidez.

Hamaikagarren oinarria.– Bateragarritasuna.

Emango den dirulaguntza bateragarria izango da xede berarekin jaso daitekeen beste edozeinekin, HABEko zuzendariaren 2024ko apirilaren 18ko Ebazpenaren bidez egindako deialdiaren babesean aitor daitezkeenak barne, baldin eta gainfinantzaketarik ez badago laguntzen den xedearen guztirako kostuan. Horrelakoetan, dagozkion kenketak egingo dira, aldea ez ordainduz edo dagozkion kopurua itzultzeko eskatuz.

HABEk eskubidea izango du eskatzaile bakoitzak emandako edozein datu beste administrazio publikoekin erkatzeko, baldin eta deialdi honen xede den gaiari atxikitzen bazaio.

Dirulaguntza-deialdi honetan parte hartzeak berarekin dakar ikasle den eskari-egileak berariaz ontzat eman dituela oinarri hauek, eta baimena ematen diola batetik, HABEri, gainfinantzaketa hori egon den ziurtatzeko beharrezko diren informazioa eska diezaien gainerako administrazio publikoei, eta bestetik, azken hauei, informazioa HABEri emateko ere.

Hamabigarren oinarria.– Onuradunaren betebeharrak.

1.– Onuradunek, oro har, Dirulaguntzei buruzko azaroaren 17ko 38/2003 Lege Orokorraren 14. eta 46. artikuluetan eta Dirulaguntzen Araubidea Erregulatzeko abenduaren 21eko 20/2023 Legearen 14. artikuluan jasotakoak bete beharko dituzte.

2.– Eta zehazki, ebazpen honetan araututako dirulaguntzen onuradunek beti izango dituzte honako betebeharrak hauek:

a) Errendimendu akademikoari buruz C1C1 helburu duen ikasleak konpromisoa hartuko du matrikulatu den ikastaroko klaseetara joateko eta bertaratzeko, ikastereduaren arabera proportzio ezberdinetan, bigarren oinarriaren e) atalean ezarritakoarekin bat etorriz. Gutxieneko bertaratze hau bete ezean, bete gabeko zatiarekin proportzionala den matrikularen diru kopurua ordainduko dio ikasleak HABEri, «errekonozitutako dirulaguntzaren itzulketa» kontzeptupean. Halaber, ikasleak ikastaroa amaitu aurretik, baja emanez gero ikastaroa amaitu arteko gutxieneko bertaratzearen baldintza bete gabe, bete gabeko zatiarekin proportzionala den matrikularen diru kopurua ordainduko dio ikasleak HABEri, «errekonozitutako dirulaguntzaren itzulketa» kontzeptupean.

b) Laguntza eman duen erakundeak egingo dituen egiaztatzeen menpe eta Eusko Jaurlaritzako Ogasun eta Ekonomia Sailaren Kontrol Ekonomikoko Bulegoak burutuko duen ikuskaritzaren menpe egon beharko du, deialdi honen bitartez eskuratu diren dirulaguntzei dagokienez. Era berean, Herri Kontuen Euskal Epaitegiaren araudi bereziko neurrien menpe ere egon beharko du.

c) Beste edozein administrazio, erakunde publiko edo pribatuk helburu bererako emandako dirulaguntzak eskuratuz gero, horren berri eman beharko dio HABEri.

d) Laguntza ematerakoan kontuan izandako dena delako egoera objektibo edo subjektiboa aldatu egin bada, horren berri eman beharko dio HABEri.

e) Horretaz gain, Dirulaguntzen Araubidea Erregulatzeko abenduaren 21eko 20/2023 Legeak ezarritako betebeharrak eta gaiari ezar dakizkioken gainerako xedapenek ezarritako betebeharrak ere izango ditu.

Hamahirugarren oinarria.– Baldintzak aldatzea, arauak ez betetzea eta itzulketak.

Deialdi honek arautzen dituen dirulaguntzez gain eta berauek ebatzi ondoren, kanpoko beste dirulaguntzak eskuratzeak horren berri HABEri ematea erakarriko du, baita erakunde honek aurretiaz emandako dirulaguntzaren aldaketa egitea ere, betiere deialdi honen 8. oinarrian

aurreikusitako gainfinantzaketa ekiditeko besteko proportzioan, edo onuradun izateko baldintzak mantendu ez diren proportzioan.

Hamalaugarren oinarria.– Datuen tratamendua.

Deialdi honetan adierazitako datu pertsonalak Europako Legebiltzarraren eta Batzordearen 2016/679 (UE) Erregelamenduak eta abenduaren 5eko 3/2018 Lege Organikoak araututakoaren arabera tratatuko dira, «Ikasleen dirulaguntzen kudeaketa» izeneko tratamendu-jardueretan, ondoren zehazten den helbururako:

– Deialdi honetan aurreikusitako prozeduren kudeaketa.

HABEko zuzendari nagusia izango da tratamenduaren administrazio-organo arduraduna.

Tratamendua beharrezkoa da legez ezarritako betebeharrak gauzatzeko.

Interesdunak bere datuak ikusteko, zuzentzeko zein ezabatzeko eskubidea izango du, baita haien tratamendua mugatzeko nahiz haren aurka egiteko, informazio gehigarrian adierazten den moduan.

Halaber, onuradunek bere datuen tratamenduari buruzko informazio osagarria eskura dezakete helbide honetan: <http://www.habe.euskadi.eus/datu-pertsonalen-babesa-haben/s23-edukiak/eu/>

I. ERANSKINA

DIRULAGUNTZA JASOTZEKO IKASLEAREN ESKARI-FORMULARIOA

2024-2025 ikasturtean C1C1 komunikagaitasun-maila helburu duten ikastaroak egiteko C1C1 helburu-maila eta abiapuntu-maila jakin bat duten 16-18 urteko ikaslearentzako dirulaguntza eskaria.

Instrukzio-organo hartzailea:

HABE, HELDUEN ALFABETATZE ETA BERREUSKALDUNTZERAKO ERAKUNDEA

ESKARI-EGILEAREN DATUAK

Eskari-egilea: _____

1. Pertsona interesdun gisa ari naiz espedientean

2. Ordezkarri gisa ari naiz

* Identifikazio-dokumentua: _____ * Zenbakia: _____

* Izena _____

* Lehen abizena: _____ * Bigarren abizena: _____

* Sexua: _____

ESKARI-EGILEA ADIN TXIKIKOA IZANEZ GERO, AITAK, AMAK EDO TUTOREAK BETETZEKO DATUAK

Aita, ama edo tutorea: _____

* Identifikazio-dokumentua: _____ * Zenbakia: _____

* Izena _____

* Lehen abizena: _____ * Bigarren abizena: _____

* Sexua: _____

Jakinarazpen eta komunikazioak hona bidaliko dira:

Espedientea tramitatzen den bitartean Administrazioak bidalitako jakinarazpenak paperean jaso nahi izanez gero pertsona honi zuzenduko zaizkio «ikaslearekin harremanetan jartzeko datuak» atalean ageri den posta helbidera _____

Komunikazio-hizkuntza

Mezu elektronikoa eta abisu-mezu bidezko jakinarazpen eta komunikazioak zuk aukeratutako hizkuntzan bidaliko dizkizugu.

Euskara Gaztelania

2024ko irailaren 12a, osteguna

Jakinarazpenetarako eta komunikazioetarako kanala

Espedientea tramitatzen den bitartean Administrazioak bidalitako jakinarazpenak paperean jaso nahi izanez gero pertsona honi zuzenduko zaizkio «ikaslearekin harremanetan jartzeko datuak» atalean ageri den posta helbidera _____

IKASLEAREKIN HARREMANETAN JARTZEKO DATUAK

* Lurralde historikoa _____ * Udalerria _____

* Helbidea _____

* Posta-kodea _____ * Helbide elektronikoa _____

Harremanetarako telefonoak:

* Telefono-zenbakia _____ * Telefono mugikorra _____

MATRIKULATUTAKO IKASTAROAREN PREZIOA:.....-euro

Ikastaroaren ordu-kopurua:

ERANTSITAKO AGIRIAK:

– Ordaindutako matrikula-zatiaren ordain-agiria

ERANTZUKIZUNPEKO ADIERAZPENAK:**ZERA AITORTZEN DUT:****Zerga eta gizarte arloko betebeharrak:**

Zerga arloko eta gizarte segurantzaren arloko betebeharrak egunean ditut eta konpromisoa hartzen dut betebeharrak horiek betetzen jarraitzeko emandako dirulaguntza osoa justifikatu arte.

Bateragarritasun-adierazpena:

Ez dut dirulaguntzarik jaso xede eta helburu berarekin nire udaletik edo/eta ezta udalez gaindiko beste administrazio publikoetatik edo erakunde pribatuen eskutik ere.

Dirulaguntza jaso dut xede eta helburu berarekin nire udaletik edo/eta udalez gaindiko beste administrazio publikoetatik edo erakunde pribatuen eskutik ere. Zenbatekoa: _____

Konpromiso-adierazpenak:

2023-2024 ikasturtean ez dut parte hartu dirulaguntza-programa honetan.

Badakit matrikulatutako ikastaroan gutxieneko aurrerapen bat izan behar dudala eta % 75eko bertaratzea bete behar dudala hautatutako ikastereduaren arabeko proportzioan.

Ulertzen dut aurrez aurreko ikastereduan % 75ekoa izango dela gutxieneko bertaratze hori. Eta autoikaskuntza ikastereduan ordu teorikoen % 75az gain, mintza saioekin batera ikastaroaren ordu teoriko guztien % 7,5 izango dela gutxieneko bertaratze hori. Jabetzen naiz, gutxieneko bertaratze

2024ko irailaren 12a, osteguna

hori bete ezean, HABEk aintzatetsitako dirulaguntza ordaindu beharko diodala HABEri, «dirulaguntzaren itzulketa» kontzeptupean, eskola-klasetara bertaratu ez naizen proportzioan.

Ohartzen naiz gainera ikastaroa amaitu aurretik, ikastarotik baja emanez gero, -ikastaroarekin bateraezintasuna eragiten duen osasun edota lan-arrazoirik adierazi gabe- ikastaroa amaitu arteko gutxieneko bertaratzearen baldintza bete gabe, bete gabeko zatiarekin proportzionala den matrikula-zatia ordaindu beharko diodala HABEri, «dirulaguntzaren itzulketa» kontzeptupean.

Eskaera hau egin ondoren, xede eta helburu berarekin administrazio publikoen edo erakunde pribatuen aldetik beste dirulaguntzarik edo laguntzarik jasoz gero, HABEri horren berri emango diot.

Zehapen-adierazpenak:

Ez dut dirulaguntza edo laguntza publikoak eskuratzea galarazten didan zehapen administratiborik edo zehapen penalik.

Ez dut dirulaguntza edo laguntza publikoak eskuratzea galarazten didan zehapen administratiborik edo zehapen penalik, sexuan oinarrituta diskriminatzeagatik edota emakumeen eta gizonen berdintasunaren arloko araudia ez betetzeagatik, betiere, martxoaren 16ko 1/2023 Legegintza-dekretuak xedatutakoarekin bat etorritz (emakumeen eta gizonen berdintasunerako eta emakumeen aurkako indarkeria matxistarik gabe bizitzeko Legearen testu bategina).

Ez dut dirulaguntza publikoak jasotzeko ezgaitzen duen legezko debekurik (sexu bereizkeriagatik debekuak barne), betiere, martxoaren 16ko 1/2023 Legegintza-dekretuak xedatutakoarekin bat etorritz (emakumeen eta gizonen berdintasunerako eta emakumeen aurkako indarkeria matxistarik gabe bizitzeko Legearen testu bategina).

Zorren itzulketa- edo zehapen-prozedura guztiak amaituta ditut.

Orokorrak

Hemen jasotako datu guztiak egiazkoak dira eta osorik daude, baita aurkezten dudan dokumentazioa ere, eta nire gain hartzen dut dagokion erantzukizuna (Administrazio Publikoen Administrazio Prozedura Erkidearen urriaren 1eko 39/2015 Legearen 28.7 artikulua).

Jabetzen naiz ezingo naizela dirulaguntza eskubideaz baliatu, Administrazioak hurrengo egitateren baten berri izan duen une bertatik aurrera:

- Erantzukizunpeko adierazpen honetan edo beste komunikazioen batean jasotzen den datu edo informazioaren bat zehaztasunik gabea edo faltsua bada edo aurkeztu ez bada.
- Administrazio eskudunari ez badiot aurkeztu erantzukizunpeko adierazpena.
- Administrazio eskudunari ez badiot aurkeztu, adierazitakoa betetzen dela egiaztatzeko eskatzen den dokumentazioa.

Eta aurreko guztien ondorioz, jakitun naiz erantzukizun penal, zibil edo administratiboak izan ditzakedala (Administrazio Publikoen Administrazio Prozedura Erkidearen urriaren 1eko 39/2015 Legearen 69.4 artikulua).

DATUEN BABESARI BURUZKO OINARRIZKO INFORMAZIOA

Eskabidean agertzen diren datu pertsonalak erabili egingo dira eta ikasleentzako dirulaguntzak izeneko tratamendu-jarduerari erantsiko zaizkio.

- **Arduraduna:** HABE
- **Eragilea:** Entitate laguntzaileak
- **Helburua:** Dirulaguntza hauekin lotutako prozedurak izapidetzea, ebaztea, jarraipena egitea eta kontrolatzea, errekursoak, ondare erantzukizunak, ofizioz berrikusteko eskaerak, errebokazioak, hutsen zuzenketak eta administrazio bidean egiten diren beste inpugnazio batzuk.
- **Legitimazioa:**
 - Tratamendua beharrezkoa da, legez ezarritako betebeharrak gauzatzeko eta interes publikoaren aldeko eginkizunen bat betetzeko, tratamenduaren arduradunari emandako botere publikoak betetzeko jardunean.
 - Dirulaguntzei buruzko Lege Orokorra (azaroaren 17ko 38/2003 Legea) eta Euskadiko Ogasun Nagusiaren Antolarauei buruzko Legearen testu bategina (azaroaren 11ko 1/1997 Legegintza Dekretuaren bidez onartutakoa).
- **Hartzaileak:**
 - Foru-aldundiak.
 - Toki Administrazioiko beste organo batzuk.
 - Autonomia Erkidegoko beste organo batzuk.
 - Kontuen epaitegia edo erkidegoetako baliokidea.
- **Eskubideak:** datuak eskuratzeko, zuzentzeko eta ezabatzeko eskubidea duzu, baita informazio gehigarrian jasotzen diren bestelako eskubide batzuk ere.
- **Informazio osagarria:** HABEren web-orrian kontsulta dezakezu Datuen Babesari buruzko informazio gehigarri eta zehaztua.

Araudia:

– Datuen Babeserako Erregelamendu Orokorra.

- 3/2018 Lege Organikoa, abenduaren 5ekoa, datu pertsonalak babestekoa eta eskubide digitalak bermatzekoa.
- Dirulaguntzen Araubidea Erregulatzeko abenduaren 21eko 20/2023 Legea.

Sinadurak:

Eskari-egilea

Ama/Aita/Tutorea

.....(e)n, 202...-koaren(e)(a)n

II. ERANSKINA

**EUSKALTEGIAREN EDO AUTOIKASKUNTZA ZENTRO HOMOLOGATUAREN ESKARIA,
C1EKO 16-18 URTE BITARTEKO IKASLEENTZAKO DIRULAGUNTZEN KUDEAKETAN
ERAKUNDE LAGUNTZAILE IZATEKO DENA****Instrukzio-organo hartzailea:**

HABE, HELDUEN ALFABETATZE BERREUSKALDUNTZERAKO ERAKUNDEA

ESKARI-EGILEA (EUSKALTEGIAREN ORDEZKARIA)

* Identifikazio-dokumentua: _____ * Zenbakia: _____

* Izena: _____

* Lehen abizena: _____ * Bigarren abizena: _____

* Sexua: _____

ORDEZKATUTAKO ERAKUNDEA (EUSKALTEGIA)

* Identifikazio-dokumentua: IFK * Zenbakia: _____

* Izena: _____

* Eskari-egilearen kargua erakundearen: _____

Jakinarazpen-hartzailea:

Espedientea tramitatzen den bitartean Administrazioak bidalitako jakinarazpenak honi zuzenduko zaizkio: _____

Jakinarazpenetarako eta komunikazioetarako kanala: Elektronikoa **Abisuak****jasotzeko datuak:**

* Posta elektronikoa: _____

* Mugikorra: _____

Jakinarazpenen, komunikazioen eta abisuen hizkuntza:Euskara Gaztelania**Oinarrizko datuak:**

Zer lurraldetan daude erakunde eskatzailearen datu fiskalak:

* Lurraldea: _____

ESKATZEN DU:**HABEk 16-18 urteko ikasleei euskararen C1C1 komunikagaitasun maila helburu duten ikastaroak egin ditzaten emango dizkien dirulaguntzen kudeaketan erakunde laguntzaile**

gisa onartzea, HABEko zuzendariaren 2024ko abuztuaren 30eko Ebazpenean jasotako oinarrien arabera.

ADIERAZTEN DU:

Lehenengoa.– HABEko zuzendariaren 2024ko abuztuaren 30eko Ebazpenean jasotako dirulaguntza deialdiaren oinarrietan ezarritako epeetarako ondoren zerrendatutako DOKUMENTUAK aurkeztuko dizkiola HABEri, eta horretarako Q87 aplikazio informatikora igoko dituela:

- Dirulaguntzaren eskari-egileak izenpetutako eskari-formularioa.
- Ikaslearen ordain-agiria.
- Ebazpenean zehaztutako epeetan dirulaguntza honen ezaugarriak betetzen dituzten ikasleen datuak mailaka zerrendatuta eta trebetasunen batean aurrera egiten duten ikasleen zerrenda.
- Erakunde laguntzaileak ziurtatuko du eskari-egileak ez zuela 2023-2024 ikasturtean programa berean dirulaguntzarik jaso.

Bigarrena.– ERANTZUKIZUNPEAN aitortzen duela honako hau:

- Erakunde laguntzaile izateko deialdian eskatzen diren baldintzak betetzen dituela erakundeak.
- Baimena ematen diola HABEri ofizioz egiazta dezan honako baldintza hauek betetzen dituela:
 - HABEren euskaltegien eta euskararen autoikaskuntzarako zentroen Erregistroan inskribatuta dagoela eta datu guztiak egunean dauzkala.
 - Giza eskubideak eta pertsonen arteko bizikidetzaren balioak errespetatuko dituela eta, ondorioz, ezin izango dituela agerian eduki, horiei dagokienez, herritarrentzako laidogarriak izan daitezkeen, erabiltzaileen duintasuna urra dezaketen edo indarkeria iradokitzen duten ikurrak edo elementuak.
 - HABEri helarazten dizkion datuen gaineko interesdunei beren datuekin gauzatzen duen tratamenduari eta transmisioari buruzko informazioa aldez aurretik helarazi diela
 - Betetzen dituela indarrean dagoen legediak ezarritako baldintzak.
 - Ez ordezkatzeko dudako erakundeak, ez ordezkatzeko dudako erakundearen gobernu- edo administrazio-organotako kide den pertsona juridiko edo erakunderen batek ere, ez duela egin onarpen-prozesuetan edo funtzionamenduan sexuagatiko zuzeneko edo/eta zeharkako diskriminazio-ekintzarik, DLOren 13. artikuluan eta Euskadiko martxoaren 16ko 1/2023 Legegintza-dekretuak xedatutakoaren arabera (Emakumeen eta gizonen berdintasunerako eta emakumeen aurkako indarkeria matxistarik gabe bizitzeko Legearen testu bategina).
 - Ez ordezkatzeko dudako euskaltegi edo erakundeak, ez eta bere gobernu- edo administrazio organotako kide den inork ere ez duela zigor administratiborik edo penalik jaso abuztuaren 4ko 5/2000 Legegintzako Errege Dekretuak onartutako Lan-arloko arau-hauste eta zehapenei buruzko Legearen testu bateginetik eratorritako sexu-bereizkeriagatik eta/edo emakumeen eta gizonen berdintasunaren arloko arau-hausteengatik.
 - Hemen jasotako datu guztiak egiazkoak direla eta osorik daudela, bai eta aurkeztu ez diren dokumentazioa ere, eta nire gain hartzen dut dagokion erantzukizuna (Administrazio

Publikoen Administrazio Prozedura Erkidearen urriaren 1eko 39/2015 Legearen 28.7 artikulua).

- Jakitun dela erantzukizunpeko adierazpen honetan jasotzen den datu edo informazioren bat zehaztasunik gabea edo faltsua bada edo administrazio eskudunari ez badio aurkezten erantzukizunpeko adierazpena, edo adierazitakoa betetzen dela egiaztatzeko eskatzen den dokumentazioa aurkeztu ez badu, ezinezkoa izango dela eskari honen bidez egikaritu nahi den eskubideaz baliatzea edo jardueran aritzea, egitate horren berri izaten den unetik bertatik aurrera eta gainera, jabetzen dela, aurreko guztiaren ondorioz erator daitezkeen erantzukizun penal, zibil edo administratiboez (Administrazio Publikoen Administrazio Prozedura Erkidearen urriaren 1eko 39/2015 Legearen 69.4 artikulua).

ORGANO INSTRUKZIO-EGILEAK OFIZIOZ EGIAZTATZEA

HABEk ofizioz egiaztatuko ditu, elkarreragintasun-sistemen bidez, Zerga eta Gizarte Segurantzaren arloko betebeharrak egunean dituela euskaltegiak edota autoikaskuntza zentroak.

.....-an, 202 ..-koaren(e)(a)n.

Erakundearen ordezkariaren sinadura

2024ko irailaren 12a, osteguna

III. ERANSKINA

**HELDUEN ALFABETATZE ETA BERREUSKALDUNTZERAKO ERAKUNDEAREN (HABE) ETA
----- EUSKALTEGIAREN EDO AUTOIKASKUNTZAKO ZENTRO
HOMOLOGATUAREN ARTEKO LANKIDETZA-HITZARMENA, AZKEN HORI ERAKUNDE
LAGUNTAILE IZAN DADIN C1C1 HELBURU DUTEN 16-18 URTEKO IKASLEEI
DIRULAGUNTZAK EMATEKO PROZESUAN, MAILA JAKIN BATETIK ABIATUTA, C1C1
KOMUNIKAGAITASUN-MAILA HELBURU DUTEN IKASTAROAK 2024-2025
IKASTURTEAN EGIN DITZATEN.**

BILDU DIRA:

Ibone Bengoetxea Otaolea anderea, Jauraritzako lehenengo lehendakariorde eta Kultura eta Hizkuntza Politikako sailburua, HABEko presidente gisa.

Xxxxxx jn./and., XXXXXXXXX euskaltegiaren ordezkaria.

PARTE HARTU DUTE:

Alde batetik, **Ibone Bengoetxea Otaolea** anderea, Jauraritzako lehenengo lehendakariorde eta Kultura eta Hizkuntza Politikako sailburua, HABEren izenean eta hura ordezkatzuz, urtarilaren 10eko 14/2017 Dekretuak xedatutakoaren arabera.

Bestetik, andreak/jaunak, euskaltegiaren edota autoikaskuntzako zentro homologatuaren legezko ordezkari gisa, HABEko euskaltegien erregistroan ageri denez.

Alderdi biek hitzarmen hau izenpetzeko eskumena eta gaitasuna aitortzen diote elkarri, eta, hori dela-eta, honako hau

ADIERAZI DUTE:

- 1.– HABEko euskara sustatzeko ekintzak eta programak bultzatzen ditu, euskara ikasteko ahalegina egiten duten pertsonen laguntzeko neurriak jarritz.
- 2.– HABEko zuzendariaren 2024ko abuztuaren 30eko Ebazpenaren bidez, helduen euskalduntzea sustatzeko xedez 2024-2025 ikasturterako dirulaguntzen deialdia onetsi zen, zeinaren xedea baita bultzatzea 16-18 urteko ikasleek erakunde laguntzaileetan C1C1 komunikagaitasun-maila lortzeko prestakuntza hartzea. Prozeduraren organo instrukziogilea eta kudeatzailea HABEko ikuskatzailetza arloa izango da eta ebazteko arduraduna, HABEko zuzendaria.
- 3.– Deialdi horretako zazpigarren oinarriak erakunde laguntzaileekin aritzeko aukera aurreikusten du, deialdian ezarritako baldintzak betetzen dituzten pertsona matrikulatuaren eskaerak kudeatu eta izapidetzeko.
- 4.– Erakunde laguntzaileek kudeatu eta izapidetuko dituzte ikasle onuradunek egindako eskaerak.
- 5.– Erakunde laguntzaileek neurriak hartuko dituzte, dirulaguntzaren onuradunek dirulaguntzak emateko baldintzak (adina, 2023-2024 ikasturtean dirulaguntza lerro honetan dirulaguntzarik jaso ez izana, ordainketa ziurtatzen duen ordain-agiria, ikastaroaren eta ikaslearen, C1C1 helburu-maila eta ikaslearen abiapuntu-maila jakin bat, bereziki) betetzen dituztela bermatzeko.

HORREGATIK GUZTIAGATIK, Dirulaguntzei buruzko 38/2003 Lege Orokorrak 12., 13., 15. eta 16. artikuluetan xedatutakoarekin bat etorriz eta HABEko zuzendari nagusiaren 2024ko abuztuaren 30eko Ebazpenaren zazpigarren oinarriari jarraikiz, bi aldeek **HITZARMEN HAU SINATZEA ADOSTU DUTE**, klausula hauen arabera:

KLAUSULAK

Lehenengoa.– Hitzarmen honen xedea da HABEko zuzendariaren eta XXXXXX erakunde laguntzailearen arteko lankidetzeta-bidea ezartzea, C1C1 helburu-maila eta abiapuntu-maila jakin bat duten 16-18 urteko ikasleek erakunde laguntzaileak antolatuko dituen C1C1 komunikagaitasun-maila helburu duten ikastaroetan parte hartzeagatik, 2024-2025 ikasturtean jasoko dituzten dirulaguntzak kudeatu eta izapidetzeko.

Lankidetzeta 2024-2025 ikasturterako da eta hitzarmena indarrean dagoen bitartean eman daitezkeen laguntzak kudeatzeko.

Bigarrena.– Erakunde laguntzailearen betebeharrak

1) Erakunde laguntzailearen eginkizuna izango da HABEko zuzendariaren 2024ko abuztuaren 30eko Ebazpenaren bidez ezarritako baldintzak betetzen dituzten pertsona matrikulatuen eskaerak kudeatu eta izapidetzea (Q87 aplikazioaren bidez) eta HABEko zuzendariaren kontura jardutea.

2) Erakunde laguntzaileak hiru epe izango ditu HABEri dirulaguntza ezarriko zaien ikasleen eskari guztien zerrenda ziurtatua eta agiri osagarriak aurkezteko. Horretarako, erakunde laguntzaileak Q87 aplikazio informatikoan igo beharko ditu datuak eta agiriak. Hiru epe-muga hauek izango dira (HABEko zuzendariaren abuztuaren 30eko Ebazpenaren zazpigarren oinarriaren laugarren apartatuaren arabera):

- 2024ko azaroaren 15a (dirulaguntzaren esleipen-ebazpena abenduaren 20a baino lehen gauzatu ahal izateko)
- 2025eko apirilaren 11 (dirulaguntzaren esleipen-ebazpena maiatzaren 23a baino lehen gauzatu ahal izateko)
- 2025eko irailaren 10a (dirulaguntzaren esleipen-ebazpena urriaren 17a baino lehen gauzatu ahal izateko).

3) Trebetasunen batean aurrerapen bat lortu duten ikasleen zerrenda emango dio HABEri euskaltegiko zuzendariak bi epetan:

- 2025eko uztailaren 15erako 2024ko urritik 2025eko ekainera arte aritutako ikasleen zerrenda.
- 2025eko urriaren 15erako 2025eko uztailetik irailera arte aritutako ikasleen zerrenda.

Hirugarrena.– Dirulaguntza ikasleari emango zaio, matrikularen zenbatekoa ia osotasunean izango baitu diruz lagungarria, salbu matrikula egitean ordainduko duen orduko-tasa: 0,20 euro. Horretaz gain, ikasleak matrikulatzeko unean ikastaro bera egiteagatik beste dirulaguntzaren bat jasotzen badu, HABEren dirulaguntza gutxitu egingo da kopuru berean. Ikaslearen matrikularen prezioaren gainerako zatia, hau da, ikaslearentzako dirulaguntza, erakunde laguntzailearen bidez kudeatuko da eta erakunde laguntzaileak jasoko du ikastegi bakoitzean HABEko zuzendariak 2024ko abuztuaren 30ean onartutako Ebazpenaren 7.4 oinarriaren, bederatzigarren oinarriaren eta hamargarren oinarriaren ildotik.

2024ko irailaren 12a, osteguna

Laugarrena.– Hiru euro ezarriko dira konpentsazio ekonomiko gisa erakunde laguntzailearen alde, kudeatutako eta onartutako matrikula bakoitzeko.

Bosgarrena.– Aldeek datu pertsonalen babesari buruzko araudia bete behar dute, onuradunei buruz lortutako datuei dagokienez, eta haiek eman beharreko baimena eman behar diete datuok erabiltzeko.

Seigarrena.– Hitzarmen honek urtebete iraungo du sinatzen den egunetik aurrera, eta ez da modu automatikoan luzatuko.

Hitzarmen honen xedapenak guztiz edo partez aldatu ahalko dira, aldeek hala adosten badute; halaber, aldeetarik edozeinek salatu ahalko du hitzarmena, hiru hilabete lehenago jakinarazita, eta hala gertatuz gero, aldeek hitzematzen dute konpromisoei eutsiko dietela onuradunei emaniko laguntzen aldi guztia bukatu arte.

Zazpigarrena.– Hitzarmen hau suntsiarazteko kausa dira hitzarmenean ezarritako klausulak ez betetzea, eta orobat hitzarmenaren izaerari dagokion beste edozein kausa ere, indarrean den legerian jasota badago.

Zortzigarrena.– Araubide juridikoa.

Hitzarmen honek izaera administratiboa dauka, eta araubide juridiko-administratiboa erabiliko da hura interpretatu eta garatzeko; izenpetzaileek berariaz men egiten diote administrazio auzietarako jurisdikzioari.

Hitzarmen honetan aurreikusita ez dauden gaitan, bi lege hauetan ezarritako xedapenak aplikatuko dira: Dirulaguntzei buruzko 38/2003 Lege Orokorra, Dirulaguntzen Araubidea Erregulatzeko abenduaren 21eko 20/2023 Legea eta urriaren 1eko 40/2015 Legea.

Hitzartutakoa hala ager dadin, eta esan bezala betetzeko, partaideek honako dokumentu hau izenpetu dute digitalki 2024ko ...-ren-(e)(a)n.

Erakunde laguntzailearen ordezkaria

HABEko presidentea

-----jn./and.

Ibone Bengoetxea Otaolea